

Broj:09-05-1-5948-3-3/15

Datum: 12.11.2015

Na osnovu tačke I. Odluke o odobravanju prodaje 2 (dva) putnička motorna vozila Federalnog ministarstva finansija – Federalnog ministarstva finansija V. broj 1027/2015 od 20.08.2015. godine . ("Službene novine Federacije BiH", br. 66/15) i tačke I. Odluke o prodaji putničkih motornih vozila broj 09-14-6-5490-1/15 od 11.09.2015.g., Federalna ministrica finansija – Federalna ministrica finansija, objavljuje

J A V N I O G L A S
o prodaji službenog putničkog motornog vozila putem
licitacije prikupljanjem pismenih zatvorenih ponuda

I

Oglašava se prodaja službenog motornog vozila u vlasništvu Federalnog ministarstva finansija – Federalnog ministarstva finansija i to:

1. AUDI A6 3.0, godina proizvodnje 2007, broj šasije WAUZZZ4F469115525, broj motora: BMK 093062, vrsta motora: dizel, zapremina motora 2967 ccm, boja siva, dizel, broj pređenih kilometara: cca 450.000 km, registracija istekla 09.09.2015. godine, u voznom stanju sa

Početnom cijenom od: 10.000 KM

II

Prodaja službenog motornog vozila iz tačke I. ovog oglasa obaviće se putem prikupljanja pismenih zatvorenih ponuda.

III

Pravo učešća imaju sva pravna i fizička lica koja uz zatvorenu ponudu polože kauciju u iznosu od 10% od početne cijene vozila, koje je predmet prodaje na blagajni Federalnog ministarstva finansija – Federalnog ministarstva finansija.

Kaucija se vraća nakon zaključenja licitacije svim ponuđačima, osim ponuđaču koji je proglašen najpovoljnijim.

Najpovoljnijem ponuđaču kaucija se vraća nakon uplate ukupno ponuđenog iznosa iz tačke VI. oglasa

IV

Otvaranje ponuda obaviće se dana 23.11.2015. godine, sa početkom u 13 sati, u prostorijama Federalnog ministarstva finansija – Federalnog ministarstva financija, ulica Mehmeda Spahe 5, Sarajevo.

Otvaranju ponuda će biti javno, te su ponuđači dužni ponijeti sa sobom jedan od identifikacionih dokumenata navedenih u tački VI. oglasa.

V

Službeno motorno vozilo iz tačke I. ovog oglasa može se pogledati u periodu od 16.11.2015.g. do 20.11.2015.g. u vremenu od 9:00 do 16:00 sati na parkingu Federalnog ministarstva finansija – Federalnog ministarstva financija u ulici Alije Isakovića, Sarajevo.

VI

Pismena ponuda sadrži sljedeće elemente:

- podaci za fizičko lice: (ime i prezime, ime jednog roditelja, broj lične/osobne karte ili broj pasoša/putovnice, adresu i broj telefona);
- podaci za pravno lice: (kopija rješenja o upisu u sudski registar ovjerena od strane nadležnog organa, ime i prezime ovlaštenog lica za zastupanje u postupku licitacije, broj lične/osobne karte ili broj pasoša/putovnice ovlaštenog lica za zastupanje u postupku licitacije, adresa, broj telefona);
- iznos ponude izražene u KM;
- dokaz o uplati kaucije izdat od strane blagajne Federalnog ministarstva finansija – Federalnog ministarstva financija;
- ponuda mora biti potpisana od strane podnosioca, a ukoliko je ponuđač pravno lice mora biti i ovjerena pečatom pravnog lica.

Pismene ponude se dostavljaju na protokol Federalnog ministarstva finansija – Federalnog ministarstva financija sa naznakom „Ponuda na Javni oglas o prodaji službenog putničkog vozila“ i to najkasnije do 23.11.2015. godine do 12:55 sati.

Licitacija će biti punovažna i u slučaju da ponudu dostavi samo jedan ponuđač.

VII

Prije otvaranja zatvorenih pismenih ponuda, saopštavaju se pravila licitacije.

Ako se na poziv odazove samo jedan ponuđač i da ponudu na početnu vrijednost/cijenu ili veći iznos, Komisija ga proglašava pobjednikom licitacije.

Ako se prijave dva ili više ponuđača sa istom cijenom koja je ujedno i najviša cijena ponude, a ponuđači ne žele izvršiti povećanje cijene usmenim javnim nadmetanjem, Komisija će proglasiti pobjednikom ponuđača koji je ranije dostavio ponudu po datumu i vremenu prijemnog štambilja službe protokola.

Nakon zaključene licitacije utvrđuje se lista ponuđača koji su ponudili cijenu iznad početne cijene i konstatuje da je imovina prodana najpovoljnijem ponuđaču.

VIII

Službeno motorno vozilo iz tačke I. ovog oglasa koje je predmet licitacije kupuje se u viđenom stanju, te naknadne reklamacije neće biti uvažene.

IX

Obaveze kupca:

Ponuđač čija ponuda bude prihvaćena dužan je na poziv Federalnog ministarstva finansija – Federalnog ministarstva financija u roku od 3 (tri) radna dana pristupiti zaključenju Ugovora.

Kupac je dužan za kupljeno vozilo uplatiti puni iznos u roku od 8 dana od dana potpisivanja Ugovora na broj računa:1020500000106795, vrsta prihoda: 811114, koji se vodi kod Union banke, a što se dokazuje bankarskim izvodom.

X

Kupac je dužan po izvršenoj uplati u roku od 5 (pet) radnih dana preuzeti vozilo, što će se zapisnički konstatovati.

XI

Sve troškove oko poreza i prijenosa vlasništva snosi kupac.

Ako kupac odustane od kupovine, odnosno ne pristupi zaključenju Ugovora u roku iz tačke IX. oglasa uplaćena kaucija mu se neće vraćati i ista će se smatrati javnim prihodom, a Federalno ministarstvo finansija – Federalno ministarstvo financija će izvršiti ponovno oglašavanje o prodaju službenog vozila.

XII

Nepotpune i neblagovremene ponude neće se razmatrati.

XIII

Javni oglas će biti objavljen na oglasnoj ploči Federalnog ministarstva finansija
– Federalnog ministarstva financija, na web portalu ministarstva:
<http://www.fmf.gov.ba>, te na službenom putničkom vozilu koje je predmet prodaje.

